



Broj: 16-12-16-2-8139-*P* /15  
I. Sarajevo, *02.12.*, 2015. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12) i člana 70. st. (1), (2), (3) i (6) Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-8139/15 od 23.11.2015. godine, u postupku javne nabavke policijske opreme za potrebe Jedinice za specijalnu podršku Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku policijske opreme

#### Član 1.

Prihvata se preporuka Komisije za provođenje postupka nabavke broj 16-12-16-2-8139/15 od 23.11.2015. godine i ugovor o kupoprodaji policijske opreme za potrebe Jedinice za specijalnu podršku Državne agencije za istrage i zaštitu (u daljem tekstu: Agencija) dodjeljuje se ponuđaču "SHOT" d.o.o. Zenica, ponuda broj 16-12-16-2-8139-6/15 od 29.10.2015. godine, za ponuđenu cijenu 19.350,00 KM bez uračunatog PDV-a.

#### Član 2.

Ponuđač "SHOT" d.o.o. Zenica, obavezan je u roku od pet dana od dana prijema ove odluka ugovornom organu dostaviti dokaze u ispunjavanju uslova iz tačke 3.1.1 i 3.1.3. Konkurentskog zahtjeva (orginal ili ovjerena kopija).

#### Član 3.

Prijedlog ugovora o kupoprodaji dostavit će se na potpis izabranom ponuđaču, po proteku roka od 10 dana, računajući od dana kada su svi ponuđači obaviješteni o izboru najpovoljnije ponude.

#### Član 4.

Za izvršenje ove odluke zadužuje se Sektor za materijalno-finansijske poslove Agencije.

## Član 5.

Ova odluka objavit će se na web stranici Agencije, istovremeno s upućivanjem ponuđaču koji je učestvovao u postupku javne nabavke.

## Član 6.

Ova odluka stupa na snagu danom donošenja.

## O b r a z l o ž e n j e

Postupak javne nabavke policijske opreme za potrebe Jedinice za specijalnu podršku Agencije, procijenjene vrijednosti 19.500,00 KM bez uračunatog PDV-a, pokrenut je Odlukom broj 16-12-16-2-8139-1/15 od 16.10.2015. godine i to:

- a) podvodni detektor mina i metala, jedan komad;
- b) lift za podizanje tereta nosivosti do 250 kg, jedan komad;
- c) lift za podizanje tereta nosivosti do 500 kg, jedan komad;
- d) lift za podizanje tereta nosivosti do 1000 kg, jedan komad;
- e) mjerač daljine / daljinometar, dva komada;
- f) teleskopske ljestve, dva komada.

Postupak javne nabavke proveden je putem Konkurentskog zahtjeva za koji je obavještenje o javnoj nabavci broj 1161-7-1-959-3-32/15 od 19.10.2015. godine objavljeno na Portalu javnih nabavki.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-8139/15 od 23.11.2015. godine sa preporukom za izbor najpovoljnijeg ponuđača u postupku javne nabavke policijske opreme za potrebe Jedinice za specijalnu podršku Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 29.10.2015. godine do 13,00 sati, Komisija je dana 29.10.2015. godine u 14,00 sati izvršila javno otvaranje ponuda prema datumu i vremenu prijema.

Dostavljena je ukupno jedna ponuda i to:

Redni broj	Naziv ponuđača	Vrijednost ponude (bez PDV-a)
1.	“SHOT” d.o.o. Zenica	19.350,00 KM

Komisija je nakon otvaranja ponude, u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponude i isti u roku od tri dana, od dana otvaranja, dostavila ponuđaču.

Postupak je dalje nastavljen u smislu pregledanja dokumentacije priložene uz dostavljenu ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljene ponude Komisija je utvrdila da ponuđač “SHOT” d.o.o. Zenica, ispunjava kvalifikacione uslove u pogledu njegove lične sposobnosti, sposobnosti obavljanja profesionalne djelatnosti, ekonomske-finansijske i tehničke i profesionalne sposobnosti. Takođe, Komisija je utvrdila da navedeni ponuđač pored kvalifikacionih uslova ispunjavaju i formalno-pravne uslove postavljene Konkurentskim zahtjevom, te ne podliježe primjeni preferencijalnog tretmana domaćeg.

Komisija je aktom broj 16-12-16-2-8139/15 od 03.11.2015. godine od Jedinice za specijalnu podršku Agencije tražila stručno mišljenje po pitanju zadovoljavanja postavljenih tehničkih uslova iz Konkurentskog zahtjeva, za ponuđača "SHOT" d.o.o. Zenica. Prema aktu Jedinice za specijalnu podršku Agencije od 04.11.2015. godine ponuđač "SHOT" d.o.o. Zenica ispunjava tehničke karakteristike tražene Konkurentskim zahtjevom.

Nakon provednog postupka ocjenjivanja dostavljene ponude Komisija je utvrdila da je ponuda ponuđača "SHOT" d.o.o. Zenica ocijenjena kao prihvatljiva, zbog čega je dala preporuku da se ugovor o javnoj nabavci policijske opreme za potrebe Jedinice za specijalnu podršku Agencije dodijeli ponuđaču "SHOT" d.o.o. Zenica.

Shodno navedenom, prihvaćen je prijedlog Komisije i odlučeno da se predmetni ugovor dodijeli ponuđaču "SHOT" d.o.o. Zenica, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču 1x,
- Sektoru za mat.-fin. poslove,
- a/a.

